

德清縣續志

CM240.107
35
部=2

德清縣續修縣志書務所

德清縣續志卷之八

人物志 釋老 列女

前志分儒行名業等十有四類標目頗未允當人之生平苟無大過人之奇行不可以一節概強為區別徒滋異同之論耳今統曰人物而以釋老列女附於後凡志人物之例四一曰題請祠祀二曰名位著聞三曰事實可據四曰著述行世餘不敢濫及或於附傳見之叙致不欲虛為褒譽亦以聞見難周恐失實無以傳信覽者諒諸

車君乘順治六年由歲貢授江西武宣縣知縣甫兩月土寇來攻城君乘與弟君稷乘城捍禦力盡兄弟皆不屈死妾陸氏幼子不二及僮僕德清縣續志 卷之八 人物志 一

并遇害雍正六年 題旌祀忠孝祠一統志有傳君乘同時有徐尚介者亦以知縣殉節前志有傳雍正時尚介曾孫景嵩由縣丞引見以忠義之裔特授山西潞安府同知擢廣東肇慶府知府君乘子孫世襲恩騎尉

楊汝欽字章甫周國璠字美如汝欽年八歲鄰人負其父金移尸陷之邑倖有所欲不得而怒越七日始檢視尸生蛆倖令以蛆納其父口汝欽奪而食之衆譁不服父由是得雪父嗜榛止後汝欽終不食榛母病危籲司命願減已算益親父死時廬墓五月以母在即歸至母死遂廬墓三年與兄終身不異爨雍正六年 題入忠孝祠國璠侍父疾體不安席至四十二晝夜刲股為糜進父康熙四十七年歲飢為粥食餓者



嘗至龍游得同舟人遺金追還之又嘗贖鄰人之鬻妻者雍正五年
題入忠孝祠其後有妻鏞嵇絃潘國楨竝以刲股愈母疾稱孝感云絃
子承顯字二岐舉人桐鄉教諭與徐元正友元正雖貴顯猶規戒之桐
川有富人為先世求入鄉賢祠力持不可方直人也絃曾孫杰諸生亦
有孝行

許瑋字雋臣孚遠曾孫少孤贅於秀水遂入秀水學鍾陵熊伯龍主浙
江試闈中賞其文後知為孚遠後人自喜得士瑋由庶吉士仕至禮科
給事中卒彭少宰孫適挽之云給事恭簡孫淵源守家學探理見四本
讀書窮八索為名流推服如此瑋族弟應旂福京皆以學聞

沈述裘字振先前明舉人為高倬客福藩立倬為工部侍郎述裘勸其
德清縣續志 卷之八 人物志 二
引退倬不從及倬殉難述裘為位祀之於家國初履徵不出子嗣焯性
至孝嗣焯子敏達以副榜為四川洪雅縣知縣行取擢戶部主事敏達
兄子恪舉人福建連江縣知縣民賴某殺人誣廖姓案久不決恪一鞠
得實置賴於法

阮峻字不崖前明舉人 國初為陝西藍田縣知縣以積瘁卒峻力學
刻畧自程於經史皆有撰述經曰九經滌原史鈔至三千紙未竟業性
友愛讓宅與兄撫兄子如子云

蔡啟傳字碩公文奕琛仕前明官至吏部侍郎福王在南都時以錢謙
益薦為東閣大學士見明史福王傳前志不詳蓋隱之也啟傳中康熙
九年進士廷試第一時浙大水書戶部遂議改折召對宏德殿賦詩

稱

旨命直南書房時初設日講官即以啟傳充補十一年充順天主考官
得士王鴻緒徐倬等號為知人仕曆右春坊右贊善卒祀鄉賢祠啟傳
未達時以無子買妾妾入門怪其容甚哀問之乃夫鬻以償負者啟傳
惻然立召其夫歸之及貴咸以為陰德之報

孫在豐字此瞻歸安人占籍德清康熙九年進士廷試第二人授編修
十年初設起居注輪直日講以掌院學士及翰林充之滿四員漢八員
在豐以編修得與歷侍講學士充明史總裁擢內閣學士二十四年充
會試副總裁晉工部右侍郎奉

命赴淮揚治河鑄給監修下河工部印尋與河臣靳輔議相左上疏互
德清縣續志 卷之八 人物志 三

劾廷訛各降草有差在豐降五級仍以翰林官用後復至內閣學士卒
國史有傳

徐倬字方虎十歲應童子試號為神童受業倪元璐劉宗周之門康熙
十二年成進士年五十矣入翰林後乞歸養者十年丁艱服闋除國子
監司業轉翰林院侍讀三十二年充順天鄉試主考官姜宸英查慎行
劉巖顧圖河皆所得士尋致仕歸四十二年

南巡召試在籍諸臣以倬詩為第一因進所輯全唐詩錄賜帑刊刻晉
秩禮部侍郎年九十卒祀鄉賢祠一統志有傳倬尤習前明史事邸抄
實錄家傳野乘無不博考相傳谷應泰明史紀事本末出其手在翰林
時

上目之曰此江南老名士也倬歸里後
召對侍從諸臣論海內儒者及於倬不數日倬訃至學士揆叙挽詩云
最憐聞訃日 天語尚褒嘉蓋紀實也

楊鼎字鎮九有文名而武勇絕倫順治初邑中土賊蜂起王七者為最
鋸新塘覺華寺鼎有妹嫁市林七聞其美掠而欲納之不屈為所殺鼎
恨甚侯元棊令德清率鄉勇勦賊以次畧平以王七黨與衆遣人招諭
七欲降懼鼎為仇對使者俟鼎去乃降會次年當會試鼎偽北行賊偵
鼎去約期受撫元棊慮七反復難制伏壯勇諸要徑置號火百步嶺偃
旗焦山城中諸巷柵集壯丁守之七至留賊黨三里塘從數十人入城
上阜安橋鼎時潛匿市樓上見七過躍下就馬上挾七從者譁欲奪之

德清縣續志

卷之八

人物志

四

連擊數人斃疾走至縣門七已折脇死矣其黨欲為變元棊發礮舉旗
壯勇四集擒之鼎剖七心祭其妹鼎中康熙十二年進士年已六十又
十年選授貴州平越縣知縣告病歸十餘年乃卒鼎同時有周翼者善
刀稍王尚書士禎子啟沔官唐山令翼在其幕寇至揮雙刀出拒盡奪
其所劫而返尋平寇有功授官至山東莒州知州

胡渭字拙明友信曾孫研窮經史尤精輿地之學刑部尚書徐乾學奉
命修一統志延渭及太原閻若璩無錫顧祖禹常熟黃儀為佐渭因盡
見天下志乘凡與禹貢山川相涉者詳考覃思積十餘年成禹貢錐指
學者皆重其書渭又著易圖明辨辨圖學之惑洪範正義辨漢儒災異
之傳會正宋儒竄易之違誤大學翼真以翼自漢相承之舊本皆有根

據實事求是康熙四十二年

南巡涓獻平成頌并以禹貢錐指進呈

御書者年篤學四字賜之年八十二卒一統志有傳涓著述甚富未刻者尚多其學與若璩相類文彩不宣而考據賅洽視若璩為有條理國初浙江治經學者新縣萬斯大蕭山毛竒齡嘉興徐善秀水朱彝尊核其撰述涓為稱首子四人方騰拔貢山西大同縣知縣孫十八彥頴彥輔彥昇知名彥輔考授中書乾隆四年進士選貴州仁懷縣知縣調清平縣

彥頴字石田翰林院編修奉

命隨年羹堯幕羹堯獲罪訊其幕僚彥頴

德清縣續志

卷之八

人物志

五

廷辯謫戍寧古塔乾隆元年赦還十六年

南巡迎

駕賜復職彥頴資敏銳嘗著北窗偶談發明小學兼及音律弟勳性孝友以兄遠戍徒步往省後歷仕陝西大荔縣山東臨淄縣知縣有廉名彥昇字國淵刑部主事改山東定陶縣知縣以開釋冤獄被劾按察使黃叔琳勸使自檢舉彥昇曰失官不足惜願獄實冤願終雪之叔琳密訪果如彥昇言彥昇曰獄已雪吾又何求不俟開復而歸杜門著書於樂律尤有心得謂琴律與笛律不殊琴有緩急不如笛便馬融以京房所加孔為商聲荀勗以第一孔為黃鐘宮後出孔為大簇商蓋自漢至晉舊法如此宋人以體中翕聲為黃鐘是以姑洗為黃鐘也以俗樂之

合字屬黃鐘是以下徵為正宮也著樂律表微八卷又著四書近是叢書錄要若干卷卒年八十八

蔡升元字徵元康熙二十一年廷試第一二十四年

御試詩文稱旨召對至暮撤御前燭命侍衛送至閣門族充日講官遷中允纂修

三朝國史日講春秋解義乞養歸里四十二年迎

駕嘉興

賜銀六百葬其先明年超擢詹事充經筵講官擢內閣學士以原品休致五十一年復補內閣學士

賜第內城五十二年奉使祭告黃帝軒轅諸陵竝犒賞陝西沿邊綠旗

德清縣續志

卷之八

人物志

六

兵五十四年充會試副總裁越一年擢左都史五十八年遷禮部尚書六十年乞假歸明年卒於家遺疏至都

特賜卹典 國史有傳

胡會恩字孟綸少從叔渭學康熙十五年廷試第二授編修擢中允充日講起居注官扈

駕征厄魯特大捷奉使祭告太昊以下六陵洊擢兵部督捕右理事官定逃人連坐獨子留養例又朔設女監旋晉兵部右侍郎按武職選格為巨圖分疏其下吏不得為奸擢刑部尚書扈

駕南巡問及家世以高祖友信對

御書名文實政四字賜懸家廟以病卒官祀鄉賢祠會恩性謙謹接後

進如大賓篤族 誼因葬其親及同父弟四人并及親族十七棺人咸稱之從弟會貞好學有著述見藝文志會恩子開京以隨征議叙授池州府通判攝宿松縣有被殺者不得主名察其妻與旁觀一人狀異廉得姦殺情置之法又設蕪湖建德及池州府事丁憂服闋補直隸順德府通判為保甲議八條上之通行畿輔著於令甲擢永平府知府卒子紹芬

紹芬字念曾恩蔭六品京員擢河南開歸兵備道開封大水衢巷間深二三尺紹芬於西門開水竇流積水因建閘以時啟閉中牟至永城賈魯河故道久廢紹芬挑濬以洩淤漲榮澤至蘭陽沿河地方多坍曠糧額未除輝縣百泉傍山田一畝納賦至二三畝紹芬攝藩司印悉蠲除

德清縣續志

卷之八

人物志

七

之調糧儲鹽驛道釐剔夙弊革陋規雍正十一年擢直隸按察使卒談九乾字震方康熙十五年進士授中書求外用選直隸沙河縣知縣革陋規褫劣生殛淫僧植柳浚井以便行人楚兵譁郡丞奉檄設塘遞促造舟以軍興從事九乾爭不可會

上諭譁兵小醜不必張皇同官皆服其識擢禮部主事沙河士民籲請入名宦祠擢文選司郎中向例銓選以次不拘資格九乾議進士許班班選補得允行尋被劾罷隨征厄魯特復原官總河于成龍以九乾監理河務會成龍卒遂歸第三子諱曾字尹承由拔貢任河南陽武縣知縣遇大水請於上開倉賑濟又遇蝗督捕甚力復力請蠲租邑濱河歲輸梁稻購之鄰邑供應甚苦諱曾力爭得免卒於任民為立碑十三處

九乾孫起行字秋帆山西趙城縣知縣捐金疏涑水下通五姓湖以資灌溉民享其利工畫蘭竹深秀有致著譚經小錄四書解義立峯編年詩九乾曾孫承萃貢士以束脩所入葬其三世及本宗無後者十餘棺人稱其義云

九叙九乾弟字功惟援事例為行人司行人擢兵部主事歷郎中出為河南歸德府知府俗以正月七日為關伯生日於廟穴地為火池焚香楮愚民有捨身自投烈焰者九叙治巫覡之罪禁絕之遂革其俗後為湖廣安陸府知府教水邈城北湖遠石城西南入於漢舊為通津明季於塞前守胡某欲開之立表度地有道士書表上云談河容易羣笑其誤然工卒不就至九叙始濬通焉以年老改補

德清縣續志

卷之八

人物志

八

盛京戶部員外郎擢郎中又改刑部右現審司病免卒於家

徐元正字子貞一字靜園倬子嘗注律呂新書未明算法覃思十餘晝夜心火上攻血如泉湧康熙二十四年進士授編修三十年充會試同考官旋充日講官與父倬同列講筵倬直之暇扁戶讀書不干外事擢侍講學士先是倬以靜字元正後

上賜硯其銘曰靜元正曰君父俱以靜勗我其敢不知所守乎四十七年充山東鄉試正考官洊擢至工部尚書以乞養得請為疏陳謝云在國則事五十年景運方隆之 聖主在家則奉九十歲 皇恩優養之老親一時傳誦其語康熙五十九年卒於家長子志萃字任可以蔭補順天府通判告病歸弟志巖字象求由教習授江南寶應縣知縣邑有

水災躬自賑給以憂離任士民人醵一錢建亭志去思後為開封府同知志巖長子以豐字來章効力河工授江南泰州同知洊歷雲南宣威州知州湖南寶慶府知府能治苗獠改調湖北武昌以疾歸乾隆二十年浙大飢以豐出米數百石以濟人弟以泰字陶尊工詩與錢唐厲鶚為友官山西絳縣知縣調陽曲陝西巡撫隔屬保舉堪勝知府會病去官弟以坤舉人善居積富甲一郡充四庫全書總校授國子監助教有癖性終年食粥居密室中好讀書云

以升字階五志莘長子雍正元年進士授編修十三年任廣西學政乾隆二年擢監察御史時產米之省多以鄰省採買致米價昂以升疏言米穀通販行以商則有利行於官則有弊請買穀停止歸商販又言直

德清縣續志

卷之八

人物志

九

省不宜輕平糶其便有四倉儲不虛運賑有備一官不採買商販日多二產米之處價不至昂三商人趨利米貴之處必雲集而價自平四得旨此奏或有所見交部詳議又言水利關農事宜立考課嚴約束又嘗請行鄉飲酒禮及區田法區田法交奉宸苑依法試種後以所獲不償所需遂停止八年淮揚被水充下江等處宣諭化導使尋補山西冀寧道擢按察使歷直隸廣東貴州江西四省所在有聲罷歸卒子開厚字周基乾隆十一年進士廷試甲第名次與曾祖元正悉同授編修早卒子天柱天驥天驥出後叔父乾隆二十六年會試後以內閣中書及國子監學正學錄用越二年成進士官戶部主事早卒志莘第三子以觀字賓四江南儀徵縣知縣

天柱字擎士乾隆三十四年進士 廷試第二授編修入直 尚書房
年未五十引疾歸杜門家居以著述為事諸經皆有論撰旁及河渠算
數之學聚金石數百種有洪趙所未見者書學李北海圓勁蒼秀自成
一家徐氏自倬至天柱五世入翰林家世恂謹好學言門閥者侈焉
章元增金牧叔金珂金牧弟竝以文學知名蔡書紳胡彥穎彥昇皆金
珂弟子也章氏多才金牧弟芝黃石黃子黃皆能文而天近有章鉅者
日誦數千言年十二為諸生十五而卒

蔡詒來詒穀詒構竝官治子詒來字友蘇工書得二王法詒穀字次梁
性穎敏隨父官秦中軍務方殷草書檄援筆立就康熙時為臨海縣教
諭詒構字瑤席父歿時年十三舉家避兵詒構獨守尸不去賊義之得
德清縣續志 卷之八 人物志 十

免康熙時為內閣中書

虞銑字二曾好學精品鑿工篆隸康熙十六年開制科有舉之者辭不
應兄徽亦有學時稱二虞潘穀字是慶唐達弟子治經尤深於詩所著
書甚多見藝文志陳後方字萃生霆裔孫為古文學樊宗師艱深自康
熙十二年偕陳元望修邑志序傳多後方所作朱星渚字漢源善詩游
學王士禎朱彝尊之門晚歲自號長梧子有長梧子集先是星渚祖萬
錡桐鄉人為德清教諭遂家焉萬錡子渚庭游京師有名太學中

沈永裕應旦子字仲舒以進士為江南碭山知縣河泛溢永裕出庫銀
糴麥濟災民傾家賠補無所悔又以俸代貧民納租康熙二十六年充
江南鄉試同考官所得皆知名士

戴振河字衣聞以進士為永寧縣知縣入署見供帳知取於民悉卻之
常平倉穀舊時貴糶賤糶官取其贏振河春貸秋償不責耗羨關險嶺
為平路行者便之丁憂服闋補松滋縣邑有堤工民歲折土方銀五千
兩旋修族祀振河賦民土躬督修之費省堤堅民目為戴公堤行取擢
至禮部郎中後為福建邵武府知府

蔡彬字與端弱冠鄉試第一後以庶吉士出為福建羅源縣知縣設義
學課士歲遣人取資於家辦官事行取歷史部郎中掌銓政杜請屬後
引疾歸其後邑人有徐元會者字子開以內閣中書出令羅源性至儉
食惟糞鹽縣有駟僧女已許嫁而更他適元會痛懲之斷歸初許者有
無田稅額若干草陋現代納調侯官亦有善政乾隆時有談承升字超

德清縣續志

卷之八

人物志

十一

然亦以進士選福建松溪縣知縣初履任治富民獄雪其冤每聽訟曲
直既判必陳說義理使誠服乃遣去調上饒以疾卒 題入名宦祠民
又別建祠歲以生日私祭之

陳璉字虬似有文學與章美瑾美珪胡璉戴洽等並應復社見復社姓
氏錄中明亡棄諸生杜門不出妻王氏玉潤亦能詩文有著述子尚古
字雲瞻嘗著志餘及新溪注搜采甚詳康熙二十六年舉人

許鎮字天倚字遠從曾孫少苦學博覽羣籍康熙五十一年進士授編
修雍正七年充貴州主考官取中王士俊程仁圻安修德王夢堯等號
為得士外出為江西南昌府知府政尚寬厚吏民便之南昌素不知蠶
事鎮仿字遠治建昌法廣為勸導詳列種桑之宜飼蠶之節刊為書通

行郡屬後以公事失察降級改刑部主事乞終養歸修復東萊書院與里人講學其中好聚書手自讐校丹黃不輟手鎮弟晉字自昭安徽穎上縣知縣再被水賑卹有方修蔡津書院輯縣志歸里後撰臨溪志乘十二卷鎮子家駒字晰伯篤志經學操行醇和嘗與同志友仿證人書院法為規約相繩勉乾隆十九年以明通任西安縣教諭家駒子三人昌字候選州同早卒祖京自有傳祖懷山東沂水知縣有吏幹亦早卒蔡書紳字秀夫一字應山為人倜儻有奇氣博通羣籍尤工制義與方縈如朴山徐廷槐笠山稱三山雍正元年進士授廣東曲江縣知縣調陵水以生黎歸化擢順天宛平縣知縣書紳妻徐氏病太醫院某治之無效而卒書紳遣吏守醫門邏止延醫者醫恨甚訐其他事先是步軍

德清縣續志

卷之八

人物志

十二

統領嘗有私屬事書紳故違其意以此怨之遂主醫言書紳坐罷職總督李敏達公衛入覲過都門外普濟寺書紳先置鏡殿上塗以墨謂僧曰公見必問但言蔡某置此敏達果問僧以告敏達曰吾知之矣遂力白書紳枉狀復以知縣用分發江南嘗攝溧陽南匯縣事及松江通判皆以強項傲上不久其任在江南垂十年終不得補藩司某頗受賂遺生日書紳散置金懷中偕同寮數十人旅見方揖金紛墜於地書紳徐一一取之置几上曰敬以是為壽藩司大慚恨書紳為制義尤善小題奇宕自恣同輩莫不重之性孝居喪茹素三年初奉檄為縣賀客至書紳對之大慟客皆蹶踏去子五錫字敷厥精敏有才由縣丞仕至山東兗州府知府

胡承昊字序皇友信五世孫少事後母以孝聞與蔡書紳為異常交是時學者多專治舉業各占一經無所闕覽兩人能通諸經兼能倍諷國策莊子史漢及唐宋人古文誦明人制義各至萬首號為通洽皆任氣好詈人同輩生多遭訶折者承昊五十餘成進士選直隸贊皇縣知縣有循聲子官龍亦以進士選山西祁縣知縣攝介休芮城清謹自守以治獄失出被劾歸官龍 廷試日命諸進士各陳時務官龍極言嘉湖浮糧之困是年遂減免白耗食米若干石官龍子曾肇字周開性穎敏讀書目十行下為諸生時與姊夫許祖京齊名乾隆三十九年舉人為慶元縣教諭

戚蒞言字魏亭雍正八年進士福建連江縣知縣大風雨山水暴至高

德清縣續志 卷之八

人物志

十三

丈餘蒞言肅衣冠拜禱風止水徐退縣有東湖隋開皇時林堯捐田瀦水為湖溉田四萬餘頃水災後隄岸多潰蒞言修築之立祠其上祀堯又修學校濬城河置普濟堂育嬰所及義冢地民感之為立生祠蒞言父麟祥字聖來有高才仕至翰林院侍讀學士歸里後以不矜細行緣事戍寧古塔蒞言刺血為書祈上官求贖父罪遂得放歸蒞言弟朝桂由八旂教習為河南臨漳縣知縣調永城並有政績晚歲里居頗事著述云

沈志榮字震東雍正元年進士授廣西羅城縣知縣地多盜捐金立賞格捕之盜遂弭調荔波有高黑苗梁姓毒居民官莫能治志榮請兵剿除之古州用兵荔波當孔道軍興無乏以最擢東蘭州知府州甫改流

志榮建學設營修塍蓄水政務修舉擢慶遠府同知州民泣留乃使攝焉後以同官事累誤免歸

孟堅字賦亭志榮兄子雍正八年進士選湖北漢陽縣知縣歷任至江寧府知府為政清靜操守謹廉在漢陽時江中多盜竊孟堅於大別山下設盤詰所又禁雙飛燕小舟不得夜行牙行設三連票法使賣買姓名貨物可互考江寧江浦孟家嘴有煤礦多請開採者孟堅持不可後以公累去任子存釗字犀伯直隸安平縣知縣

蔡維寅蔡醜並奕琛孫維寅由內閣中書補外為雲南祿豐縣知縣祿勸州女土司鳳舍卓興和曲州土司那克爭構兵上官令維寅往勘清畫疆界諭以理兩酋皆奉命釋怨後為直隸永平府知府山海關權奉德清縣續志 卷之八 人物志

十四

部牒移巡徼進內十里維寅持不可遂止醜以進士為雲南河西縣知縣亦有善政行取未擢官而卒

蔡亮茂字仲淵官治曾孫母病剗股肉雜湯藥進之病得愈由進士為山西崞縣知縣調平遙為政有奇績決事不依恒科期當其罪操行廉民愛喜之擢太原府同知引疾歸與弟晟友愛老而彌篤晟舉人

蔡書升字漢翔乾隆十九年進士為清溪書院山長善待後進有善必稱譽之詩格醇雅有薑田詩藁六卷從弟朝升亦以學聞

蔡環黼字拱其仙居縣訓導博學善為詩長於五言有兩不齋集從兄星臨字御青工長短句有碎筑詞邑人能詩者又有胡旭蔡崇基胡其煥胡濛旭字升暘

南巡獻賦賜荷囊後為兩淮鹽庫大使與人交有始終鄉試舉主未葬
旭臨沒猶以為念屬其子往賻之崇基字效清居武康縣英溪上環山
植竹號竹寒沙碧山莊屬鷓周京與相贈酬有捫蝨菴詩其煥字倬雲
有讀蛻軒集滌更名澄字飛望多居西湖自號六橋漁長有日下鄴下
吳下諸詩草環黼性冲淡無城府乾隆五十年與千叟宴同邑監生羅
讚亦與焉賚賜如例其後邑人朱榮俞廷錦嘉慶元年亦與千叟宴榮
萬錡曾孫廷錦大興籍曾仕江西南昌府通判諸子並以科第顯

戚振鷺字晴川雍正八年進士初仕為安徽青陽縣知縣俗健訟吏民
相倚為奸振鷺曰其釁在吏痛懲之吏紛紛請退振鷺親理案牘匝月
無廢事吏復稍求進振鷺不許縣中父老為之請吏亦矢悔過乃許之

德清縣續志

卷之八

人物志

十五

由是奸猾屏息遷六安直隸州知州旋擢河南歸德府知府丁憂服闋
補江西饒州府知府以偽疏傳抄案承審未實革職發軍臺効力期滿
赦歸

南巡迎

駕復頂帶振鷺子蓼生字曉塘乾隆三十四年進士授刑部主事游至
郎中出為江西南康府知府甫到官即擢福建鹽法道以公累鐫秩引
見奏對稱旨旋擢福建按察使為人倜儻不修威儀使酒好狎侮人然
強幹有吏才案無留牘以勞悴卒官

徐瑋字勗武乾隆七年進士授編修十二年充貴州主考官歸里為愛
山書院山長性廉介有門生官浙中贈以金弗受也官編修者又有陳

墉字厚堂與其里夏廷銜同舉鄉試夏年七十而墉方弱冠墉在翰林時為秋燕詩同館傳誦以為不減袁凱云

徐志丙字冠卿雍正六年

詔中外官舉品行才猷可備任使者德清舉二人志丙及崧岳廷也志丙為御史秘象賢所舉

命往甘肅佐理軍需補碾伯縣知縣開渠資蓄洩民勒石以頌號徐公渠邑西擺羊戎邊要地也志丙詳請建城其處屹然為保障擢岷州知州丁母憂時征準噶爾上官留使辦治儲胥以瘁毀卒子振甲字解如援豫工例為縣丞署江南句容縣事嚴察吏胥絕其奸後句容以書吏徵漕舞弊興大獄溯至振甲任內獨無弊又為清河縣河水漫溢振甲

德清縣續志

卷之八

人物志

十六

多集小船載乾餼先救本境次及鄰邑全活甚多以病歸再出為河南涉縣知縣去獵戶民便之擢同知卒岳廷字宗望兵部侍郎吳應棻所舉任福建寧海縣知縣乾隆四年

詔舉賢良方正有蔡元嘉者行誼甚備縣令達其名於上元嘉上書辭之沈汝桂者字秋園評選制藝行於世舉孝廉方正亦辭不就

許祖京字依之鎮孫母蔡氏書紳女妻胡氏承吳孫女祖京自少時受家學兼得兩外家文法鄉試第一乾隆三十四年進士授內閣中書擢侍讀兩遇京察皆一等乾隆四十二年充四川鄉試正考官旋出為

雲南驛鹽道就擢按察使屢辨疑獄悉得當姚州有劫盜以刀背傷事主司擬死罪部駁謂刀背雖金非刃不當死承審知州誤擬應降職祖

京言州本擬如部所論臣飭改之咎在臣得

旨嘉其得體旋擢廣東布政使臺灣林爽文作亂兩廣總督率意調發
祖京抗牘言小醜當即平不可無故困粵民總督欲劾其沮軍會臺灣
平乃止廣東濱海民雜易擾祖京治之十年事患多所碍有請於瓊州
關州者駁不許又有請於省設船步網利者亦不許以請養歸丁艱後
足疾不復出嘉慶十年卒年七十四祖京彊識過人少所見文字至老
不忘在滇不置幕僚文案皆親定又以餘力訓子為學在內閣時充一
統志纂修官又修西域圖志西域同文錄勝朝殉節臣錄皆一手成之
自著書有書經述八卷詩四卷許氏譜二卷

沈維坤字含光作楫孫由進士授刑部主事改國子助教屢充鄉會試

德清縣續志 卷之八 人物志

十七

同考官悉心校閱有連國奇者鄉試二十餘科中副榜者二維坤得卷
曰此老宿也薦之遂得售稱為知人維坤兄維基字宗開官甘肅伏羗
縣知縣以吏能著陳登泰字伯來仁和人從其父炳居德清生數月能
識字稍長聽同學生讀五經輒能暗記乾隆五十五年進士授戶部主
事於書無所不讀尤邃於經為文章援筆立就母卒殯方山麓廬居妙
元寺去殯所里許晨往暮返諸生多負笈從之者登泰著撰頗多而無
成書學者惜焉康熙雍正間有王武臣者字莞庵武昌人以遊擊監漕
運寓居邑之文昌里著有四山園稿吳越吟種德錄諸書郡志列之寓
賢云

沈鎔純字儒一隱居教授闡發啟蒙性理諸書多心得苦節厲行有過

言動必書以自警子衍中亦有學行復有陳奎成河胡崑沈澍生懿生
鍾朝煜羿爾昌蔡廷宣周文吾沈端蒙陳金蘭戴履雲丁開第陸溥金
元標徐承烈蔡省三蔡鯤發金曾榮諸人並以好學聞或窮老不第或
年少夭亡爾昌廷宣文吾端蒙金蘭開第元標承烈咸有著述見藝文
志溥長於地里仿賈耽畫圖每格五百里凡數十圖山川脉絡瞭如目
驗朝煜子尚城諸生尚璽舉人孫鳴鏞鳴鉦並有才思不數年皆死惟
餘一女字諸生邱埤未婚而埤亡女服水銀死遂無遺噫莫不傷之
以吏能顯者又有戴元枚鍾兆熊童士紳王光電沈一鳴房繩佳元枚
字定諧四川射洪縣知縣合州民冉寄保年十六報父仇同官以謀殺
定獄元枚議為孝子當從寬上官弗聽也具題後刑科給事中某三上

德清縣續志

卷之八

人物志

十八

疏言之卒如元枚議從減擬流

兆熊字太占雍正十年冬逆苗蠢動兆熊有撫禦才奏授貴州青谿縣
知縣苗逼縣城兆熊募健兒據北山拒之力戰殪其魁帥擢部主事未
選卒

士紳字雲儀福建閩清縣知縣山水暴漲督夫役縛筏拯溺全活無算
彰化番戕戍兵王者以生番難獲坐孰番罪士紳覆鞫釋無辜嚴緝得
凶黨戮之

光電自劍虹父允元究心易理以諸生終光電由拔貢任湖南黔陽縣
知縣黔陽苗徭雜處光電創立義學兼設學於徭山遂有以徭童入橫
舍者雍正七年六里苗作亂據鬼者河光電督運餉率兵勇直前苗相

視不敢動俄苗逼黔陽光電籍丁壯守備招撫流亡無所失苗平擢道州知州後為安徽霍州知州子履諸生好義有氣節遇鬻妻者力勸人還之償其直

一鳴字聲野以進士仕河南為縣以廉明稱

繩佳字又翼江南鎮江府通判民以房佛稱之

徐寶仁江南安東縣縣丞乾隆六十年奉檄至江寧渡江溺死嘉慶二年贈鑾儀衛經歷談堃字松雲福建鳳山縣典史嘉慶八年解俸餉渡海遇颶風并家人十四口俱溺死贈卹如例

沈秋水字君廷好義有節概世家子有自鬻為奴者還其券并贈金遣歸秋水壽至九十曾孫大成以孝聞歲飢先出粟以賑郡縣旌其閭姚

德清縣續志

卷之八

人物志

十九

景宏者乾隆十六年歲祲出藏粟減價糶之他若蔡錫元代償負完人夫婦嵇士標不負死友及黃金鉉徐陳琛並以樂善稱於鄉

沈得仁字九峙本姓姚育於沈遂冒其姓故人子馮南祥四歲失父以女字之南祥歿贍其家為立後每遇儉歲輒出粟以給餓者里黨有藉以舉火者得仁子作梓作朋作梓字勤丹鄉試十七舉乃得第以進士授嘉興府教授作朋官至湖北布政使

徐爾燮蔡人龍沈之鯨戴士宏馮見龍徐廷采徐爾煌皆以長者稱士宏親見七代嘉慶元年具題 賜七葉衍祥額

爾燮字會清年十四喪母哀毀甚至祖母患目疾爾燮日舐之而愈侍從母弟恩誼甚篤雍正十一年鄉試第一任富陽縣教諭子奎五字五

東亦以舉人為錢塘縣教諭醇謹如其父復有徐師愈者麻溪里人亦
舐父目得愈好事者繪舐目圖云

人龍字清宇與康熙時同族中武進士者同名養父母奉事甚謹兼工
詩文以諸生老有積穀山房文鈔候蟲集詩鍾有仁字元長性孝母病
嘗剗股和藥弟有禮字會嘉有信字行可皆孝友買婢詢知舊族亟還
之時稱鍾氏三善人郡邑旌其門楊元錫字祉貽以諸生貢太學親歿
廬墓三年亦為邑令所旌禮又有蔡晨胡忠宰徐顯曾沈應科並以孝
行稱忠宰年七十餘負母避火遂焚死應科父沒於陝徒步負骨歸
國初以來邑人工藝術者若蔡詒來蔡筠劉允明沈揆錢必成蔡廷蔡
軾明因寺僧濟晉並以善書名蔡燧善畫山水吳琦善畫松談起行工

德清縣續志

卷之八

人物志

二十

蘭竹沈銓工人物而胡美中之醫金光旦陳雲鳳之數術有足傳焉

胡美中名璞以字行諸生崇禎後佯狂棄家而精於醫一孕婦汲水美
中輒抱之婦驚呼衆欲毆美中美中曰此婦將出痘危甚腹中兒且不
保吾故驚之使痘得達明日婦果痘藥之而愈談九乾受業於美中致
仕歸病且死美中令熾炭卧榻旁潑以醋擣附子塗湧泉穴噴水於面
乃甦問曰汝夢中始溺大水旋行泥淖間乃墜地而醒然乎九乾曰然
某孝廉室病日不安食夜不安寐醫罔效美中視之曰無病勿妄與藥
俟二月中聞雷聲當自愈後果然又治杭州醫商翟姓六歲兒痘倒靨
氣已絕美中令置兒密室禁人窺伺自午至薄暮聞兒嘯乳媪喜其得
活破窗紙窺之見美中以刀挑兒筋鋸割之大駭排門入抱兒出美中

悵然曰兒雖活左膝毒未盡破一足矣不受謝而去時無種痘法美
中託名峩眉山入創為之後遂傳播康熙壬辰後不知所往雍正初有於
金陵見之者

金光且字長垣洞曉壬選占候之學每韜晦不以語人然人多傳其逸
事或奇詭未可信故不記

陳雲鳳字苞雯康熙四十四年舉人以何國宗薦 召至蒙養齋纂修
六壬書又修周易兌宮卦凡三百八十四篇復被 旨纂修命書子廷

炎甥李賡臣皆精算法

詒來起行自有傳

筠字修墅內閣中書游歷兵部員外郎能日書萬字

德清縣續志

卷之八

人物志

二十一

允明字以端揆字吾枚必成字岳高廷字曾三官治姪孫武解元仕至
鄖陽副將勇力過人嘗置瓜几上奮大刀旋舞瓜片片落而不圓轉工
小楷似黃庭經

軾字眉瞻燧字南樹琦字補之銓字南頻嘗畫花藥宮詞為圖進御又
嘗隨賈舶至日本日本日人尤重其畫姪天驥門人童衡皆傳銓法

右人物

靈藏字愚山俗姓楊初不識字同寺僧授心經半月始成誦三年徧誦
華嚴法華諸大經至東明寺孤雲鑑禪師一見器之為入室弟子先是
明萬歷中邑人戴懷谷闢丁山下馮吉祥地建禪院名吉祥庵 國初
懷谷子京林拓舊址建方丈禪堂延靈藏主席為吉祥開山之祖曾暮

銀三千兩重建阜安橋木石堅固凡二萬餘工云

三目湛湖廣人康熙九年參愚山問曰大德湖廣來可曾槌碎黃鶴樓

湛對曰只踢翻鸚鵡洲帶得一片水來留掌書記是年果大水接主方

丈常住素無產湛支柱無乏時人語曰千手空空不如三目湛公

鐵鳴鐵吼石眼石唯四僧俱祝髮覺海寺後入弁山各有語錄

了源字時中杭州人俗姓邱髻齡至雲棲聞梵音有悟年十七家為議

姻即潛入徑山出家隨方參學後至吉祥繼主方大大宏法教戒行弟

子數十人乾隆十六年寺災源自投烈焰中里人救免爭輸金重建云

文質閩僧主鳴因寺本故驍將棄家托蹟有道行嘗主瑜伽會羣鬼畢

退惟無常鬼不去質以杵擊之明日永靈廟無常像若支解然著無味

德清縣續志 卷之八 人物志

語二卷

沈和一字月光武康人修道新市陸修靜家得五雷法驅邪魅頗有驗

雍正時歲旱撫院命祈雨辭曰返躬修德澤施於民則雨自降撫院善

其對後住開元宮數年與洞霄宮法師貝本恒往來談道相契云

右釋老

徐尚介妻陳氏

車君乘妾陸氏

二氏並隨夫殉
難特恩旌卹

車爾翼妻蔡氏 康熙四十年題旌

沈人傑妻盧氏 康熙五十年題旌

胡石麒妻沈氏 康熙五十年題旌

費學源妻宋氏 康熙年間題旌

談九齡妻嵇氏 雍正二年題旌

沈俊生妻蔡氏 雍正九年

按二氏夫名相同姓氏互異省志郡志各載其一疑有一誤

蔡思贊妻凌氏 雍正三年

王緯妻姚氏 雍正三年

虞士升妻陳氏 雍正三年

蔡昌聞妻金氏 雍正三年

沈文龍妻潘氏 雍正三年

費興仁繼妻金氏 雍正三年

朱文玉妻蔡氏 雍正三年 題旌

蔡新蔡妻韓氏 雍正三年

凌義方妻姚氏 雍正四年

蔡雲衢妻唐氏 雍正六年

蔡啟緒繼妻張氏 雍正九年

沈完璧妻戴氏 雍正九年

戴弁妻陳氏 雍正九年

陳亮采妻童氏 雍正九年

沈士璜妻蔡氏 雍正九年

德清縣續志 卷之八

人物志

二十三

胡志勗妻吳氏 雍正九年

胡承裕妻楊氏 雍正九年

高盛宗妻孫氏 雍正十年

姚以誠妻張氏 雍正十年

高永嘉妻施氏 雍正十年

楊天瑞妻潘氏 雍正十年

凌廷炯妻沈氏 雍正十年

施學洙妻姚氏

何大生妻宋氏

沈士璜妻蔡氏

楊天培妻宗氏

鄭士昌妻蔡氏

朱麟昌妻張氏

沈良材妻齊氏

潘于麟妻許氏

沈赤文妻金氏

徐秉謙妻錢氏

胡瑋妻茅氏

黃錫亮妻王氏

張繼元妻戚氏

徐聖維妻吳氏

費良妻邱氏

以上題旌失記年
月並見節孝總坊

沈士英妻朱氏 乾隆三年題旌

朱彬如妻呂氏 乾隆四年題旌

蔡用儼妻沈氏 乾隆五年題旌

蔡景衡繼妻夏氏 乾隆五年題旌

沈爾元妻姚氏 乾隆五年題旌

章英明妻黃氏 乾隆七年題旌

沈氏二節妻章氏 乾隆八年題旌

德清縣續志 卷之八

徐之麟妻陳氏 乾隆八年題旌

高國賓妻吳氏 乾隆八年題旌

朱聞義妻沈氏 乾隆八年題旌

沈士秀妻楊氏 乾隆十年題旌

王有儀妻陸氏 乾隆十年題旌

陳瑞麟妻姚氏 乾隆十年題旌

錢宏圖妻沈氏 乾隆十年當捐修三年題旌

沈恪妻馮氏 乾隆十年題旌

沈律時妻孫氏 乾隆十年題旌

王端如妻陸氏 乾隆十年題旌

徐文卿妻茅氏

錢應其妻費氏

蔡鶴聞妻姚氏 子璉 乾隆四十年補題旌

沈樹生繼聘妻程氏 乾隆年間題旌

徐兆張妻張氏 乾隆五年題旌

施凌蒼妻張氏 乾隆五年題旌

車世濟妻蔡氏 乾隆五年題旌

于天吉妻楊氏 乾隆五年題旌

張繼連妻陳氏 乾隆七年題旌

沈廷璋 人物志

蔡北晨妻楊氏 乾隆八年題旌

張聖來妻施氏 乾隆八年題旌

張元標妻候氏 乾隆十年題旌

王言如妻施氏 乾隆十年題旌

蔡國礎妻陸氏 乾隆十年題旌

沈以成妻祝氏 乾隆十年題旌

祝有鰲妻沈氏 乾隆十年題旌

沈瞻五妻周氏 乾隆十年題旌

陳履仁妻姚氏 乾隆十年題旌

沈有倫妻周氏 乾隆十四年題旌
沈英妻姚氏 乾隆十四年題旌

錢培風妻沈氏 乾隆十四年題旌
周嘉謀妻姜氏 乾隆十二年題旌

費大貴妻蔡氏 乾隆十二年題旌
胡承佑妻沈氏 乾隆四年題旌

吳日燦繼妻姚氏 乾隆四年題旌
張杏千妻胡氏 乾隆一年題旌

沈以仁繼妻項氏 乾隆四年題旌
戚道生妻李氏 乾隆五年題旌

胡氏二節 胡耀祖 妻陳氏 耀祖子家駒 乾隆十四年題旌

費如鏞妻李氏 乾隆四年題旌
徐景揚妻吳氏 乾隆四年題旌

姚聖榮妻江氏 乾隆五年題旌
戚大生妻沈氏 乾隆五年題旌

姬康妻胡氏 乾隆五年題旌
沈崧繼妻魏氏 乾隆九年題旌

虞家麟繼妻陸氏 乾隆五年題旌
沈崧繼妻魏氏 乾隆九年題旌

德清縣續志 卷之八 人物志 二十九

蔡錫丁妻仲氏 乾隆五年題旌
鄭松雲妻錢氏 乾隆六年題旌

陳時煥妻徐氏 乾隆六年題旌
吳學詩妻王氏 乾隆六年題旌

沈廷楷妻楊氏 乾隆六年題旌
陳珍妻沈氏 乾隆六年題旌

沈氏雙節 沈廷機 繼妻徐氏 乾隆六年題旌

姚人龍妻楊氏 嘉慶元年題旌
杜氏二節 杜士發 妻邱氏 士華妻 嘉慶元年題旌

徐以謙妻吳氏 嘉慶元年題旌
程大鯨繼妻繆氏 嘉慶元年題旌

仲景衡妻徐氏 嘉慶元年題旌
楊承烈妻沈氏 嘉慶元年題旌

程文起妻沈氏 嘉慶元年題旌
沈振麟妻嵇氏 嘉慶元年題旌

張潮妻蔡氏 嘉慶四年題旌
蔡一經妻吳氏 嘉慶四年題旌

蔡懋忠繼妻嵇氏 嘉慶四年題旌

朱泳齡妻姚氏 嘉慶四年題旌

蔡賜陞妻沈氏 嘉慶四年題旌

虞鶴翀妻陸氏 嘉慶五年題旌

邱遂妻茅氏 嘉慶五年題旌

王坤年妻潘氏 嘉慶六年題旌

陳如松妻童氏 嘉慶八年題旌

沈公彩妻周氏 嘉慶九年題旌

高荼妻羅氏 嘉慶九年題旌

高崧妻鄭氏 嘉慶九年題旌

德清縣續志 卷之八

嵇華延妻毛氏 嘉慶九年題旌

以上題旌節婦一百四十二人

王氏雙節 王昌助妻沈氏 邱氏

邱明鼎妻繆氏

蔡鑑妻邱氏

鄭善隆妻吳氏

范翰妻高氏

許受恒妻徐氏

姚珊妻蔡氏

沈氏三節 沈棟妻姚氏 棟子景輝婦亦姚氏 三世並早寡守志

陳顯庭妻沈氏 嘉慶四年題旌

黃肇域妻沈氏 嘉慶四年題旌

陳振宇妻范氏 嘉慶五年題旌

江棟妻沈氏 嘉慶五年題旌

姬煥章妻翠氏 嘉慶五年題旌

王上達妻袁氏 嘉慶八年題旌

王建朝妻黃氏 嘉慶八年題旌

羅涵三妻蔣氏 嘉慶九年題旌

李承禧妻張氏 嘉慶九年題旌

程子銘妻沈氏 嘉慶九年題旌

人物志

沈三槐繼妻程氏 嘉慶九年題旌

張璣妻陳氏 陳璣女 尚古姊

沈元凱妻游氏

游慕山妻馮氏

陳治啟妻蔣氏

徐元芳妻褚氏

蔡冠英妻許氏

嵇爾勳繼妻吳氏

沈景輝

沈景輝

張氏二節 張龍妻陳氏子

蔡氏二節 蔡書妻張氏子

邱氏二節 邱鑲妻陳氏子

吳夢日妻嚴氏

施濤妻張氏

候廷脩妻車氏

姜超妻高氏

李吉人妻錢氏

沈清陞妻沈氏

吳詩可妻沈氏

德清縣續志 卷之八

胡志道妻胡氏

鍾銘武妻姚氏

楊玉庭妻吳氏

朱文星妻顧氏

陳鈞妻徐氏

吳狂生妻沈氏

施瑞鳳妻胡氏

章明之妻丁氏

程子名妻沈氏

車爾昌妻房氏

沈氏二節 沈濂妻姜氏子生

蔡氏二節 蔡新穀妻張氏

陳氏二節 陳師哲妻嵇氏

蔡元傑妻魏氏

繆彥候妻嚴氏

車爾源妻徐氏

高天佑妻章氏

徐元亨妻蔡氏

邱銘妻沈氏

蔡同辰妻施氏

人物志

陳國祥妻程氏

徐仲熊妻車氏

王佐妻鄭氏

陳育昌妻胡氏

王朗亭妻王氏

施永昌妻姚氏

胡亮工妻史氏

陸秀公妻姚氏

袁謙妻徐氏

馮廷賢妻沈氏

沈明甫妻謝氏
何正延妻祝氏
胡養純妻沈氏
車爾箕妻沈氏
程子賓妻孫氏
車國光妻嵇氏
徐鼎妻車氏
陳允良妻王氏
談一試妻范氏
戴天舉妻嵇氏

德清縣續志

卷之八

人物志

沈望齡妻車氏
邱士昌妻蔡氏
陳玉珍妻宋氏
徐舞羽妻孫氏
黃六妻葉氏
楊其盛妻蔡氏
胡夏生妻陳氏
虞元甫妻唐氏
蔡奕瓌妻嵇氏
周介功妻吳氏
沈元驥妻陳氏
金偉妻黃氏
金東曙妻何氏
汪天植妻錢氏
吳震剛妻周氏
胡其靖妻王氏
周景順妻夏氏
黃育蕃妻楊氏
周元正妻韓氏
夏楨妻周氏

談世寶妻祝氏
周偉人妻姜氏
陳世烈妻屈氏
徐大行妻俞氏
徐通知妻金氏
徐兆輅妻蔡氏
徐尚嘉妻沈氏
沈子英妾陳氏
黃錫齡妻蔡氏
謝漢公妻沈氏

德清縣續志

卷之八

人物志

二十九

蔡虞韶妻徐氏

黃永康妻蔡氏

沈欽成妻金氏

黃廷榮妻杜氏

蔡載嗣妻楊氏

朱正音妻韓氏

姚子匡妻蔡氏

沈自瀾妾梁氏

金氏三節

金爾升妻陸氏妾汪氏子象三妻陳氏

徐文煬妻車氏

前有徐煬妻車氏此疑是一人

沈煥若妻蔡氏

沈倫妻孫氏

徐宏道妻金氏

金鶴書妻姚氏

徐永治妻蔡氏

談景曾妻陳氏

姚卓妻沈氏

張大妻俞氏

徐兆桓繼妻沈氏

蔡書紳妻朱氏

周夢熊妻沈氏

沈舜元妻鄭氏

沈廷景妻蔡氏

金光旭妻何氏

夏尊五妻王氏

夏尚忠妻吳氏

沈光遠妻姚氏

陳子芳妻沈氏

德清縣續志

蔡遂亮妻吳氏

徐士年妻沈氏

戚祖康繼妻金氏

蔡書年妻徐氏

戴振淇妻潘氏

羿廣廷妻施氏

沈楚仍妻陳氏

章素年妻沈氏

沈歷昌妻沈氏

徐鳳洲妻楊氏

沈又成妻王氏

嵇禹三妻賈氏

倪天右妻許氏

沈秉彝繼妻沈氏

蔡林尚妻姚氏

沈曾浩妻談氏

沈敦南妻蔡氏

趙玉章妻符氏

蔡莘夫妻夏氏

錢名遠妻沈氏

人物志

談右升妻蔡氏

胡錦章妻周氏

顧安祖妻韓氏

凌鳳來妻王氏

沈若珍繼妻李氏

蔡李思妻沈氏

胡彥冲妻徐氏

蔡景妻胡氏

李次臧妻歸氏

黃起鴻妻章氏

凌鳳翔妻伍氏
凌枝蕃妻錢氏
朱宸瞻妻韓氏
王禹文妻錢氏
張子齡妻鄧氏
沈廷瑞妻費氏
高祖蔭妻房氏
夏方曾妻陳氏
高鳳翎妻金氏
徐兆麟妻陳氏
德清縣續志

卷之八

人物志

蔡圻妻尹氏
徐遵路妻林氏
蔡渭飛妻馮氏
馮孺鴻妻唐氏
周次廉妻夏氏
胡方銓繼妻王氏
邱西傳妻沈氏
沈泗妻胡氏
高元琛妻胡氏
姚炳義妻鍾氏
戴振沂妻王氏
丁永祚妻鍾氏
沈貴廷妻金氏
戴氏二節戴文炯妻談氏
周君順妻沈氏
周爾純妻沈氏
姬之旦妻邱氏
朱廷宰妻姚氏
王果妻金氏
鍾以寧妻姚氏

車履祥妻陸氏

郎氏二節郎國球妻董氏
國贊妻沈氏

沈夢樓妻費氏

何甫臣妻沈氏

徐以震妻唐氏

談紹曾妾陳氏

周元會妻徐氏

江楷妻王氏

孫見龍妻沈氏

周亶聰妻費氏

德清縣續志 卷之八

王家相妻陳氏

鍾履雲妻施氏

沈殿陞妻沈氏

黃維城妻蔡氏

蔡天榆妻孫氏

盧東升妻倪氏

阮顯曾妻繆氏

吳一鶴妻丁氏

梁勝祥妻欽氏

車殿保妻王氏

蔡新采妻徐氏 倬妹

蔡詒構妻沈氏

沈志榮妻祝氏

楊聖瞻妻喻氏

徐以泰妻朱氏

沈瑛妻劉氏

虞復亨妻張氏

車柵林妻宋氏

傅奕璜妻夏氏

傅學詩妻李氏

人物志

邱灃妻沈氏

周應龍妻沈氏

姚紫瞻妻沈氏

沈和瑾妻孫氏

何星聚妻王氏

陳城妻沈氏

章氏二節章春潮妻孫氏
介汝妻施氏

嵇敦五妻蔡氏

錢宏乾妻姚氏

呂三卿妻潘氏

姚士龍妻車氏

車守義妻宋氏

車鳳鳴妻徐氏

沈淇占妻陳氏

李德明妻施氏

房金聲妻邱氏

車氏二節 車乾陽妻高氏
廣濟妻周氏

楊君選妻沈氏

蔡大賓妻沈氏

姚啟孚妻倪氏

德清縣續志 卷之八

周瀛寰妻沈氏

袁大耀妻姚氏

孫起宗妻邱氏

沈璽妻陸氏

費其祥妻戴氏

周志春妻吳氏

夏繼元妻周氏

黃揆妻程氏

徐應曾繼妻嵇氏

徐芝發妻沈氏

施九齡妻王氏

車心泰妻楊氏

車世球妻嵇氏

宋汝龍妻陳氏

車以坤妻丁氏

沈汝階妻邱氏

邱廷召妻鍾氏

程庭桂妻沈氏

許玉如妻趙氏

倪朝棟妻沈氏

人物志

孫大權妻丁氏

鍾鳴鋤妻車氏

邱濂妻陳氏

費漢昌妻張氏

唐鳴岡妻沈氏

高茂松妻車氏

倪焯妻程氏

徐英發妻包氏

徐寶訓妻嵇氏

徐濬發妻馮氏

徐龍田妻沈氏

俞永年妻王氏

沈叩鳴妻談氏

徐光脩妻胡氏

徐秀先妻蔡氏

施有琇妻沈氏

王繩祖妻徐氏

王秉貞妻沈氏

王震觀妻吳氏

高孟倫妻陳氏

德清縣續志

高爾慥妻陳氏

高士錫妻祝氏

高國珍妻沈氏

高人雁妻鍾氏

姚環妻許氏

沈薰繼妻蔡氏

鄭鑒心妻姚氏

姚鳳鳴妻沈氏

姚樹法妻嵇氏

蔡聯三妻沈氏

卷之八

人物志

施希祖妻蔡氏

袁澄妻劉氏

謝玉章妻陳氏

徐延妻周氏

蔡三杏妻姚氏

高邇遇妻王氏

王其沛妻夏氏

王恒妻潘氏

王承恩妻宋氏

高升陽妻徐氏

高爾城妻潘氏

高士倫妻張氏

高瑞年妻車氏

沈高位妻潘氏

宋思元妻蔡氏

姚氏二節姚大興妻丁氏

湯永珍妻王氏

王氏二節王大吉妻丁氏

唐吉妻湯氏

沈錫輅妻施氏

子維城維基維坤

子美瑤妻楊氏

丁開第妻莫氏

丁鳳儀妻邱氏

蔡錫元妻范氏

沈存鏞妻蔡氏

戴文烈妻章氏

王莒元妻胡氏

蔡載升妻嵇氏

傅緯妻施氏

張氏三節

張汝廷妻章氏 汝璜妻 陸氏 姪潮英妻胡氏

蕭永賓妻張氏

傅惺妻車氏

沈氏二節

沈君候妻盛氏 君法妻于氏

尹加年妻沈氏

吳兆麟妻楊氏

鍾開岐妻張氏

張氏二節

張嘉珩妻葛氏 子沛霖妻徐氏

沈洪範妻汪氏

沈遐瞻妻王氏

項元詳妻吳氏

德清縣續志

卷之八

人物志

三十五

姚爾章妻賈氏

蔡邦達妻費氏

謝祥元妻沈氏

沈武曾妻俞氏

莫穎鼎妻陳氏

蔡近五妻沈氏

蔡黼皇妻馬氏

姚啟觀妻姜氏

蔡開宗妻陳氏

戚有章妻高氏

仲續聞妻徐氏

沈樞妻張氏

項元楨妻萬氏

項士元妻楊氏

談禮行妻蔡氏

張汝翼妻沈氏

姜達妻楊氏

姜用楫妻胡氏

高天鵬妻鍾氏

錢廷襄妻沈氏

錢家駢妻陳氏

王鳴鑾妻錢氏

王稼亭妻朱氏

徐子龍妻胡氏

沈枝槐妻胡氏

程炯妻胡氏 夫亡後撫子成立絕粒而卒

姜梅妻胡氏

姜梓妻沈氏

徐尹衡妻費氏

沈士發妻卞氏

沈韶九繼妻鍾氏

胡正音妻陳氏

蔡詒莖妻許氏

胡大春妻談氏

鍾竣妻姚氏

鍾尚堡妻史氏

鍾鳴鏞繼妻房氏

鍾鳴鉦妻姚氏

楊士桓妻陳氏

楊坤妻王氏

德清縣續志 卷之八

人物志

陳天衍妻范氏

陳鼎實妻周氏

陳鍾岳妻蔣氏

程大德妻沈氏

車汝聽妻沈氏

歸可陞妻徐氏

胡元隆妻吳氏

沈堯年妻黃氏

嵇杰妻許氏

楊煥若妻朱氏

陳氏二節

陳士升妻靳氏士謙妻童氏子廷棟進士

邱雨霖妻沈氏

施楚南妻邱氏

史義章妻陳氏

章師游繼妻高氏

章采妻童氏

童元愷妻章氏

章師浴妻胡氏

胡坤妻陳氏

姬永發妻邱氏

姚家聲妻孫氏

陳于殷妻沈氏

吳元宗妻錢氏

祝嘉珩妻茅氏

沈鴻達妻屠氏

徐汝淵妻勞氏

徐氏二節

徐以師妻嵇氏

陸應發妻范氏

高一聲妻朱氏

卜奇吉妻姚氏

蔡繩祖妻褚氏

沈成章妻嵇氏

王秉坤妻陳氏

蔡文煥妻程氏

蔡志嘉妻徐氏

胡雲舒妻許氏

倪元龍妻施氏

沈尚勇妻周氏

邱廷召妻鍾氏

沈元妻程氏

陳懋綸妻沈氏

車光發繼妻沈氏

章殿先妻王氏

卜奇逢妻錢氏

金鼎元妻謝氏

沈瑞漣妻房氏

高爾枚妻沈氏

吳汝培妻于氏

卜世盛妻夏氏

蔡黼廷妻徐氏

姚萬方妻卜氏

蔡氏雙節

蔡鍾文妻徐氏

蔡廷桂妻徐氏

丁延豐妻陳氏

陳元宰妻姚氏

車峙南妻謝氏

沈元椿妻蔡氏

德清縣續志 卷之八

人物志

童惠占妻徐氏
胡元坤妻高氏
胡人山妻沈氏
費大奎妻程氏
徐又超妻吳氏
房其遠妻宋氏
胡時升妻徐氏
周文煥妻吳氏
沈廷芝妻陳氏
陳汝煌妻蔡氏
德清縣續志 卷之八
朱允林妻陸氏
嵇道來妻沈氏
蔡元佩妻宋氏
陳開岐妻馮氏
蔡紛妻羅氏
吳景期妻倪氏
蔡敬祖妻姜氏
蔡瑜妻沈氏
沈開元妻沈氏
周鑾妻沈氏

卷之八

人物志

胡美齡妻周氏
蔡躬行妻沈氏
高章妻宋氏
沈芳遺妻謝氏
嵇秀東妻金氏
周九齡妻沈氏
朱國英妻范氏
沈度昭妻羅氏
謝祥元妻沈氏
章宗元妻魏氏
嵇涵文妻周氏
嵇仁占妻潘氏
蔡元量妻沈氏
王廷良妻沈氏
沈尚忠妻費氏
沈尚武妻鈕氏
孫大經妻談氏
沈文魁妻姚氏
沈象乾妻車氏
蔡永富妻徐氏

蔡永貞妻許氏
蔡青垂妻胡氏
謝掌綸妻拜氏
蔡聚英妻胡氏
謝世英妻馮氏
張鼎山妻朱氏
邱名臣妻游氏
徐森發妻蔡氏
鍾鳴臯妻蔡氏
徐嘉言妻朱氏

德清縣續志 卷之八

人物志

蔡日永妾國氏
邱世綸妻徐氏
胡鴻夏妻凌氏
蔡繼鼎妻朱氏
徐體仁妻王氏
蔡儒宗妻徐氏
蔡新桂妻陳氏
黃耀昆妻李氏
蔡載仁妻倪氏
何衛元妾費氏
蔡思敏妻胡氏
洪紹裘妻陳氏
傅玉梁妻嵇氏
李繼齡妻孫氏
沈永昌妻陸氏
盧氏二節 盧學詩妻李氏
子乘六妻范氏
徐燕妻胡氏
徐一鳴妻孫氏
蔡文熊妻戴氏
沈培初妻蔡氏

沈謨妻邱氏

沈龍翔妻胡氏

姚彥韜妻馮氏

黃高齡妻章氏

嵇廷極妻徐氏

胡曾煜妻嵇氏

王氏二節

王昌求妻沈氏
王福臨妻倪氏

周爾師妻鍾氏

吳兆昌妻沈氏

沈紳妻蔡氏

德清縣續志

卷之八

人物志

四十

章端儀妻蔡氏

蔡贊元妻姚氏

沈應球妻沈氏

卞德麟妻李氏

蔡持世妻王氏

陳彥龍妻胡氏

孫轉成妻蔡氏

朱繼元妻徐氏

倪康衢妻趙氏

楊士華妻蔣氏

沈作霖妻沈氏

沈永千妻孫氏

沈鶴山妻王氏

孫魯彥妻姚氏

俞壽松妻高氏

徐景豐妻沈氏

徐汝魁妻許氏

沈元鯉妻胡氏

陳承佑妻夏氏

王廷貴妻邵氏

章氏二節

章金繩妻姚氏
子文淑妻張氏

沈左江妻陳氏

沈爾珍妻房氏

倪朝端妻黃氏

張壽山妻徐氏

王元福妻徐氏

沈氏二節

沈翔妻蔡氏
子璉妻潘氏

陳壽昌妻邱氏

蔡士榮妻吳氏

丁有富妻費氏

方世貴妻胡氏

沈人鳳妻葉氏

以上未旌節婦六百九人或經學使者及本縣縣令給匾或由紳

士公舉

陳永瑞妻沈氏

夫亡自縊乾隆五十四年題旌

徐履泰妻沈氏

夫亡自縊

莫兆益妻宋氏

因無服族弟調戲自縊

蔡佩紳妻沈氏

夫病篤自縊夫遂不再娶

潘元正妻范氏

因失火救夫燒死

楊士蔚妻吳氏

因匪人調戲自縊

楊達孝妻于氏

夫亡自縊

徐成妻蔣氏

成死葬之郭外自縊

以上已旌烈婦一人未旌烈婦七人

沈貞女

錢塘沈萬鎰女許嫁邑人蕭珩未婚而珩卒女矢志不嫁

沈貞女

至婿家侍湯藥壻沒不復嫁

德清縣續志

卷之八

楊貞女

楊元經女許嫁沈純卒女投繯遇救遂矢志以終身雍正八年題旌

盧貞女

家為岱守節繼姪為嗣

周貞女

許嫁高九齡九齡卒女往奔喪服闋自盡

徐貞女

許嫁吳又京未婚又京卒守志不嫁

邱貞女

許嫁沈自佑自佑亡女奔喪依翁姑守制既翁姑及叔相繼病亡女為營喪葬撫堂姪為嗣

徐貞女

夢奎卒守志馮貞女未婚守節

錢貞女

許嫁張渭渭卒守節終身

駱貞女

許嫁戴文變未婚守節乾隆四十七年題旌

楊貞女

許嫁沈楠楠卒守節嘉慶四年題旌

陳貞女

許嫁王謨為繼室謨亡守節嘉慶四年題旌

倪貞女 倪聖麟女 許嫁徐大元 矢志守節 孝事父母

邱貞女 許嫁車汝明 汝明不嫁 卒守志

施貞女 許嫁邱山 山病危 女往侍湯藥 夫卒遂不嫁

吳貞女 許嫁姚啟謙 啟謙卒 欲往奔喪 父母不許 遂以良毀卒

蔡貞女 許嫁仁武 舉人趙慶恩 恩卒 女奔喪 事舅姑 以孝聞 撫姪為嗣

邱貞女 許嫁王其人 其人 嵇貞女 許嫁楊鞏 鞏卒 守節不嫁

黃貞女 許嫁蔡汝為 汝為 蔡貞女 許嫁餘杭 邵天基 天基沒 女奔喪 守節

邱貞女 一邱世成 女許嫁徐右文 年十 邱貞女 許嫁張爾恭 爾恭病危 女往侍湯藥 既卒 遂守節終身

潘貞女 許嫁張爾恭 爾恭病危 女往侍湯藥 既卒 遂守節終身

以上已旌貞女四人 未旌女二十人

德清縣續志 卷之八 人物志

楊貞烈女 進士楊鼎妹 為士 賊所掠 不屈死

沈貞烈女 許嫁阮淳 淳卒 自經 康熙五十七年 題旌

胡貞烈女 至十七 其姊議 姻女聞而疑之 投繯 卒 乾隆九年 題旌

沈貞烈女 沈復春 女許嫁姚琨 琨歿 女遂自經 欲奔喪 姚氏辭焉 女遂自經

鍾貞烈女 舉人鍾尚璽 女許嫁 邱堉 堉卒 自盡

以上已旌貞烈女二人 未旌貞烈女四人

談孝婦 顧氏 談念曾 妻 到 蔡孝婦 徐氏 母 錫元 妻 登津 服愈 姑疾 翁疾

童孝婦 蔡氏 童孚吉 妻 翁疾 得愈 氏 到 股 進 之 得 愈

蔡孝婦 沈氏 理 妻 延 弼 母 疾 愈 姑 疾

邱孝女 養親 不嫁 邱予屏 女

單孝女 單國侯女以母多病矢志不嫁奉養至老 吳孝女 吳學詩女以孀母不忍離不嫁以養

以上孝婦四人孝女三人俱未旌

金秀章妻周氏 壽一百二歲 年題旌

韓文彩室魏氏 壽一百一歲 年題旌

陸兆發室潘氏 壽一百一歲 年題旌

以上壽婦三人

右列女

婦女守志古以為難今成庸行大家巨族絕無再醮之事窮鄉編戶亦知從一之節幾于此戶可書安能無所罣漏乎前志失載東衡四烈婦者劉某妻沈氏劉戴妻沈氏章

德清縣續志 卷之八 人物志

茂明妻姚氏沈滋妻范氏順治乙酉並遇寇掠不屈死見郡志又丁奉劬妻馮氏順治九年奔父喪遇劫罵賊死乾隆二十四年學使者表其門以事久遠不復題旌附記於此

蔡錫元妻范氏

戴文烈妻章氏

張氏三節 張汝廷妻章氏汝璜妻
陸氏姪潮英妻胡氏

蕭永賓妻張氏

沈氏二節 沈君候妻盛氏
君法妻于氏

吳兆麟妻楊氏

德清縣續志

卷之八

人物志

四十四

